



Broj: 03/1-50-14-7-19-9/16

Sarajevo, 15.3.2016.

PREDMET: Informacija o posjeti članova Zajedničke komisije za odbranu i sigurnost BiH sjedištu Državne agencije za istrage i zaštitu – SIPA, Istočno Sarajevo, 24.2.2016.

Članovi Zajedničke komisije za odbranu i sigurnost BiH (u daljnjem tekstu: ZK) posjetili su 24.2.2016. sjedište Državne agencije za istrage i zaštitu – SIPA, koja je u sastavu Ministarstva sigurnosti BiH.

U delegaciji ZK bili su: Sifet Podžić - predsjedavajući, Borislav Bojić - prvi zamjenik predsjedavajućeg, Borjana Krišto - druga zamjenica predsjedavajućeg, Šemsudin Mehmedović, Hanka Vajzović, Mario Karamatić i Hazim Rančić, članovi ZK, Ljiljana Milićević, sekretarka, i Željko Grubešić, stručni savjetnik.

Sastanku s članovima ZK u sjedištu Državne agencije za istrage i zaštitu – SIPA prisustvovali su Perica Stanić - direktor, Đuro Knežević - zamjenik direktora, i Jasmin Gogić, pomoćnik direktora Agencije.

Tokom sastanka razgovarano je o svim aspektima rada SIPA-e, postignutim rezultatima u radu, zakonskim rješenjima, kadrovskoj popunjenosti i materijalno-tehničkoj opremljenosti.

Direktor SIPA-e ukratko je prezentirao relevantne pokazatelje iz Izvještaja o radu SIPA-e za 2015. godinu i programske ciljeve za tekuću godinu. Naglasio je da je borba protiv terorizma kao globalnog fenomena današnjice i finansiranje terorističkih aktivnosti prioritet u radu SIPA-e, kao i borba protiv svih vidova organiziranog kriminala, te da će SIPA nastaviti intenzivno raditi provodeći mjere i radnje iz svoje nadležnosti, s ciljem stvaranja sigurnijeg ambijenta za život svih građana BiH.

On je istaknuo da je SIPA kadrovski i materijalno-tehnički opremljena da može odgovoriti na najsloženije sigurnosne izazove današnjice. Međutim, ukazao je na problem u vezi s odlaskom u penziju jednog dijela rukovodećeg kadra iz SIPA-e zbog ispunjavanja uslova za starosnu penziju, zbog čega u skorije vrijeme planira popunjavanje upražnjenih pozicija, kako bi SIPA bila u punom kapacitetu.

Članovi Zajedničke komisije za odbranu i sigurnost BiH iskazali su punu podršku radu SIPA-e i ostvarenju njenih ciljeva u narednom periodu.

Predsjedavajući Zajedničke komisije
Sifet Podžić

Dostavljeno:

-naslovu

- a/a